



Vademecum per fèr ite fegn

L cai andèr

Se scomenza a seèr i pré de cèsa do Sèn Piere (ai 29 de jugn) e chi sa mont entorn Sèn Giacum (ai 25 de messèl).

De setember i dighees i é madures e do la Madona via (ai 8 de setember) se scomenza a fèr l dighé (lighé per cazet, adigö per moenat).

De otober via, dant che rue l invern, se jia a se tor l fegn sa mont e se se l menèa ju te paisc.

Miec seèr dadoman bonora che l é più sorì, ajache la fauc sluzia miec e l'erba la é più tendra, mascima se l é mingol de rosèda.



L fegn

N é de desvaliva sorts:

✓ fegn da paluf, che l cresc te n post da paluf;

✓ fegn braus o ègher, se l cresc te l'ombria o te n post che no garata trop, l à n'erba zompa con ite per anter ence muschie, al bestiam no l ge sà bon;

✓ fegn che fèsc sosta, canche l é n muie sech e se stenta a l tor con la forcia;

✓ fegn sech en pe, erba beleche secia jà che se à spetà massa a la seèr;

✓ fegn a filostra piena, l cresc sa mont e l é mior che l fegn da cèsa, l tegn ence più teis l bestiam ajache la fiorijon sa mont la é trop più spessa, con più sorts de fiores;

✓ fegn toron, canche l à pecia foes e n muie de mènesc;

✓ fegn zach, se l é tumech o mol.

No meté via l fegn amò vert o tumech che l podessa broèr e dapò se cogn jir a tor via l broà. Per fèr ite n fegn amò mior ve dijon che l'erba la vegn miora se se lascia na vèra nosseta per n an. !!





I èrc del mestier

I èrc

Per seèr se दौरa la fauc che no la cogn jir massa sot, se no la se desfila, e nience massa aut, che se no la lascia fora.

A guzèr la fauc se दौरa la pera, che se met do te codé leà entorn al venter, con ite èga, miec ence con mingol de ajei. A jir a seèr se se tol do ence lenzei da fegn.

Al stamp per fèr i dents del restel se ge disc chegadents. Enlouta, dant de empontèr i dents te la petenaa, se batea l legn del dent, coscita da l schicèr. Chisc picoi zecoi batui i vegnia dapò metui ti bujes de la petenaa e, canche l legn renvegnia, l dent se fissèa.

I restie

N é de desvaliva sorts:

chi da durèr sa mont, coi dents spesc, acioche no vae perdù la foòla fina e menuda, e con la petenaa più curta, più sorida su la ertes, lo che l é dut n busc e n col;

chi da oujer, dic ence 'la veia', coi dents revel en pe e più dalèrch e con la petenaa più lèria, dalajà che l teren l é più dret.

De legn

Per l mènech vegnia durà legn de pec, più lijier, per la petenaa l frascin o l'acacia, per i dents l cornél o la madreseiva.

Fac te cèsa

I restie vegnia fac da spes te cèsa, ence conforma la persona, per ej. a n bez se ge fajea restie più picoi e curc, o a chel che spenjea la schenes de ciaura n restel con l'èsta più staifa.



Vèrda chiò i tutorials:

